

續輯漢陽縣志卷之二十二

隱逸志敘

流寓附

古之肥遯者蓋有不得已者乎秦四皓漢龐公是已若巢許值賡颺之世不起贊襄此何以稱焉說者曰上有堯舜箕顛可容高蹈矣而六朝之士如何氏三高雷次宗陶貞白之流往往以聲名動人主或往來闕廷又何與匿跡銷聲者異哉究而論之其不得已者宜長往不顧矣其有雅志棲冲甘心塵外合於幽人貞吉高風逸軌可以回奔競矯

續輯漢陽縣志

卷二十二

隱逸

一

榮利矣又烏可少乎茲邑潛光隱耀之流撫其高尚庶幾把臂向禽者焉又山水勝區流寓多賢其聲華詞翰畱輝映於煙波巖壑間者低徊莫盡也並繫於末以無忘景行志隱逸

漢

廖扶字文起永初中父官北地太守坐羌沒郡下獄死扶感父以法喪身遂憚爲吏習韓詩歐陽尙書教授常數百人州郡公府交辟皆不應嘆曰老子有言名與身孰親吾豈爲名乎居先人塚側數十

年不入城府太守謁煥先爲諸生從扶學後臨郡
修門人禮甚謹欲擢扶子弟固不肯時號爲北郭
先生年八十終子孟舉偉皆有名

宋

鄭仁舉字次臯隱居郎官湖上不求聞達善言名理
姜堯章夔贈句云文章作選庭功用見造次無庸
垂磬嗟遺安鹿門意

明

蕭遜字於敏父珊生四子遷運以節俠顯達諸生有

續輯漢陽縣志

卷二十二

隱逸

二

聲遜獨隱居自適品行重於鄉里前後二千石請
赴賓筵皆不應王秩張緒雅敬之子良舉

王鳳奇高尙不仕介踣自甘其後人咸以儒著

高文譽少業儒以親老不應舉隱於市爲菽水之養
暇則讀書接友塵居三十年足不出戶鄉人稱之

方鎮字公藩貢生崇正時由江夏徙居於漢陰鄉時
丁未造絕意仕進有山田數畝躬耕自給足跡不

履市塵風雨蓬廬中輒手一編歌聲若出金石翠
竹紅泉翛然自得當事聞其名每物色之卽鑿坏

以遁真不愧高士云

國朝

黃大忠字蓋臣少貧苦學太守邱公俊孫拔冠郡試不售遂絕意進取閉戶授徒從之遊者多名雋嘗拾遺金於道立候覓者還之父應奎年九十六大忠亦漸近大耋猶依依膝下若忘老焉子士奇武舉人有才名

姚熊載字西卜明侍御朱衣裔孫以孿生乳於姚因嗣焉性澹泊不樂榮利以醫隱究心靈素諸書治

續輯漢陽縣志

卷二十二

隱逸

三

奇疾往往多應郡北月湖爲往來要津艱於渡熊載心擬隄之乃撰文倡眾言甚愷切大工竟就孝廉張掄元爲作築隄首功記將鐫之石堅辭曰吾已老於林澤畱微名何爲乃止年七十九將終遺命必依嗣父虞卿墓志存姚祀也

蓮舫子李姓避地漢陽郭外蓮池築室似舫因自號蓮舫子或曰明勲戚李曹國之裔言恭孫也丰神古樸制行清高門無雜賓二三故舊至縱譚今古成敗娓娓數千言若燭照若枚數十不爽一於勝

國典章能道其因革之故首尾俱備客去畱連煙
水瑩養心神唯日與妻黃氏拈韻賦詩前後詠史
詩凡數百篇無子卒詩篇亦爲人持去

陳樹翰字芳洲曾任黃州訓導不樂仕進投劾歸年
未三十而隱於漁釣艇一隻來往煙波間慕張志
和之風生平於漁具釣竿之屬備見之吟咏有緯
蕭集行世

流寓附

漢

續輯漢陽縣志

卷二十二

流寓附

四

禰衡字正平原人少有才辯尙氣節嘗操使爲鼓
吏衡恣言辱之操怒遣使送劉表表不能容江夏
太守黃祖性褊急乃送衡於祖祖長子射尤善衡
時大會賓客人有獻鸚鵡者射舉酒屬衡曰願先
生賦之以娛賓衡筆不停綴文不加點後以辱祖
祖殺之射奔救不及時年二十六祖爲葬鸚鵡洲

上

唐

于鵠貞元間詩人嘗爲諸府從事隱居漢陽作買山

吟以見志

杜詮字謹夫以祖岐國公蔭仕至江夏令清介不名一錢罷官築別業於漢上自號漢陽老人烈日笠首自督耕夫十五年起於墾荒不假人一毫之助至成富家嘗曰忍恥入仕不緣妻子衣食者舉世凡幾人彼忍恥我勞力等衣食爾顧我何如後授復州司馬不就卒年六十返葬長安

宋

歐陽修字永叔少孤年二十餘以所爲文見長沙胥

續輯漢陽縣志

卷二十二

流寓

五

元衡公於漢陽公一見奇之曰子當有名於世爾之門下借至京師因妻一女累官太子少師卒諡文忠

吳昌裔字季永中江人早孤得程頤張載所著之書輒研繹不倦嘉定七年舉進士聞漢陽守黃幹得關閩之學往師之卒業焉

姜夔字堯章鄱陽人姊家居九真山下夔嘗省之愛郎官大別山水因寓焉白石集載漢陽詩甚多

真山民建甯人西山之孫或曰西山子常往來湖湘

閒最後隱居漢陽詩甚秀潔髣髴永嘉四靈

元

陳益稷安南國王日叵之弟也元至元十四年用兵
占城諭日叵使助軍糧不從遂移兵伐之日叵戰
敗走益稷率妻子官吏以降乃封爲安南國王命
鎮南王脫驩等引兵送之不納益稷隨師還楚遂
畱於鄂嘗往來漢陽寓居鳳樓山之梅巖自號梅
巖叟武宗朝累進金紫光祿大夫儀同三司天曆
二年卒壽七十六謚曰忠懿益稷以羈旅降王能

續輯漢陽縣志

卷二十二

流寓

六

爲詩歌與中朝文士相頡頏史冊稱之

黎崱字景高號東山安南人在本國仕至侍郎至元
中益稷內附崱隨班赴闕後益稷歸國弗納崱亦
還居漢陽累加奉議大夫僉歸化路宣撫司事崱
入中國垂五十年閒居漢陽與同人賴歸吟咏甚
多惜不盡傳

賴歸字益歸安南人陳益稷表叔益稷內附歸遂安
插漢陽善詩其送傳與礪作最傳

國朝

毛會建字子霞武進人由縣令歷儀曹郎罷官不歸
性好遊足跡幾遍天下晚至楚愛晴川黃鶴之勝
乃預築墓於大別南額曰萬里青山復建一杯亭
於其側以居之久之竟卒於漢會建好奇嗜古書
法蒼勁樸拙得力魯公嘗遊嶽麓攀援岫嶺之巔
摹禹碑重刊於大別山頭又嘗傾貲爲晴川補樹
皆稱雅事云

李必春字耀明江都人質遷於漢好善樂施予鎮易
火貧居小戶延燒輒數千百家必春爲置席片按
戶予之久行不倦子天祐守南昌迎養於郡必春
恐去後事寢鳩同人預捐貲買貲於寶林菴名曰
廣庇會遇災則給領缺仍補之定約而去合數十
年相沿無替鎮人畫像於寺壁尸祝焉

袁廷芝字爾秀順天大興人罷官僑於漢陽遂家焉
性剛勇有智略康熙壬子武舉甲乙閒三藩不廷
廷芝仗劍從軍積功授廉鎮右營遊擊轉福建雲
霄叅將計擒賊首董漢龍等台灣海倭陳申勾通
三十六社七十二番相爲蟠結久不歸化廷芝穿

岩絕險直探巢穴諭以禍福賊皆駭服久之調兩廣水師叅將旋陞陝西延安城守乞休歸

張至曙字晴舫蒲圻人幼穎異讀書目五行下十五縣試文冠一邑恥吏抱牘呼其名遂終身不復試肆力爲詩古文詞古雅典絕去恆逕遊半天下名動公卿然不善積錢晚益貧僑寓漢陽十餘年藉賣賦金供饋粥年六十四卒孫承萬髮逆初次陷漢陽不屈死遺稿遭燹無存

范至渥歛之獅塘人家素封援例授州司馬職後中

續輯漢陽縣志

卷二十二

流寓

八

落不屑依人生活常隻身往來耶襄閒販鮮鷺果以自給詩文書畫琴棋而外音樂演劇刺繡雕塑無不能膂力近千觔手技能却五六十人客漢口時其友爲怨家所逼矛槌交舉蓮賓負友揭樓瓦飛身直下冲突重圍而出無少傷嘉慶初卒於沙市

黃承增字心盒歛人偉貌修髯交游甚廣工作詩詞文思斐然好客遊所至公卿倒屣爭相延致爲江湖上客三留漢口與江漢人士爲文酒會將有終

馬之志著漢口漫志得二十三卷未竣而卒

黃均字穀原吳縣人山水蒼秀得宋元人法尤長窠石淡遠軼塵詩詞書法亦饒雅潔薄宦楚鄂性情疏散後贅於漢口周氏頗得隨寓而安之趣

范錯字白舫烏程人性喜吟咏工詞曲廣交遊著有漢口叢談六卷

吳邦治字允康號鶴關歙邑人僑寓漢口與段寒香彭念堂稱漢陽三老好學多藝性頗耿介居有鸞飛樓自作小記甚佳

續輯漢陽縣志

卷二十二

流寓

九

胡元字善培客漢臯好善不倦嘗糾同志勸立敦本同善兩堂救生卹死惠及存歿值經費不支則傾家貲以協濟之遇邑中大災屢勸辦賑務必求踐實事焉道光庚子年督修永豐堤閘慨然獨肩其任宿工次年餘不避勞怨事藏尙紬數千金稱貸以足之不重募也嗣復培修江堤以固外內至今居民猶立私祠以尸祝之